



Concello  
da Estrada



# PROTOCOLO BÁSICO DE ACTIVIDADE/COMPETICIÓN DO COMPLEXO DEPORTIVO COTO FERREIRO (3 PISTAS)

## 1.- OBXECTO.

O Departamento de Deportes do Concello da Estrada crea este protocolo co obxectivo de facilitar a organización da instalación Pavillón Polideportivo Manuel Coto Ferreiro nas suas 3 pistas para a tempada 2021-2022, cando se celebren adestramentos, encontros de carácter oficial ou amigable. Será de obrigado cumprimento por parte dos deportistas que vaian a utilizar dita instalación. Será complementado polo PROTOCOLO DE INSTALACIÓNS DEPORTIVAS DO CONCELLO DA ESTRADA e por aquelas normas ou ordes que se diten e publiquen por parte das autoridades sanitarias e deportivas durante o transcurso da evolución desta situación. **Actualizarase continuamente de acordo coas informacións e criterios das autoridades competentes.**

## 2.- CRITERIOS DE UTILIZACIÓN.

Poderán utilizar á instalación os deportistas federados dos clubs usuarios. De todos os xeitos, o cumprimento deste protocolo corresponderá aos deportistas dos clubs cando se atopen adestrando baixo a súa exclusiva responsabilidade.

## 3.- REQUISITOS OBRIGATORIOS PARA ACCESO Á INSTALACIÓN.

- **Control de temperatura con termómetro no momento do acceso á instalación, tanto para xogadores e corpo técnico, ASÍ COMO PARA O PÚBLICO NO CASO DE QUE ESTE PERMITIDO. O Concello da Estrada autorizará a presenza de público, analizando a particularidade de cada un dos partidos ou eventos a celebrar.**
- Listado nominal dos espectadores que asistan o evento deportivo.
- Uso obrigatorio da máscara dentro da instalación, ca excepción dos xogadores que participen no encontro e o equipo arbitral, sempre e cando teñan autorización expresa para poder facelo.

## 4.- CIRCULACIÓN E UBICACIÓN DENTRO DA INSTALACIÓN.

- Estará prohibido acceder a zonas delimitadas a aquelas persoas que non se atopen debidamente autorizadas.
- Os aseos estarán operativos en todo momento e co aforo limitado dunha persoa.
- Nas zonas de grada deben de estar marcadas as butacas que se poden ocupar, deixando inutilizada unha fila de xeito alterno. Na fila que se poida ocupar polo público a separación debe de ser de 1,5 m entre espectadores en todas ás direccións.
- Adaptando a instalación as normativas vixentes, o aforamento das distintas pistas do complexo deportivo serán:

- Pavillón Coto Ferreiro (pista 1): aforamento de **270 espectadores**, distribuídos da seguinte forma: fondo; 60 espectadores, fondo marcador; 30 espectadores, lateral banquiños; 76 espectadores e lateral multiusos; 104 espectadores.

- Pavillón Multiusos (pista 2): aforamento de **160 espectadores**, distribuídos todos eles na grada principal.

- Pavillón Multiusos (pista 3): **non haberá aforamento** por non haber grada, quedando prohibido acoller público.

- **Os espectadores sempre deberán de estar sentados** e únicamente se poderán colocar nas butacas habilitadas, ca debida separación interpersoal de 1,5 metros en todas as direccións.
- Habilitarase unha zona de grada para que se poidan sentar xuntos convivintes.
- Non se poderán habilitar sillas para un aumento do aforo, debido a falta de espazo para colocalas, que impediría gardar a distancia de seguridade.
- Respetar á sinalización nas zonas de tránsito no momento de desprazarse e de acceder ou abandonar a instalación.

## 5.- ACCESO ZONA VESTIARIOS.

- Para a disputa dos partidos, estará acotada a zona dos banquiños e dos vestiarios, non podendo acceder ningunha persoa que non se atope debidamente autorizada.
- Poderanse utilizar os vestiarios, tanto nos adestramentos coma nos días de partido. Estará permitido o seu uso, xa sexa para cambiarse e/ou ducharse e tendo que formarse grupos burbulla para respectar as distancias, que utilizarán sempre o mesmo vestiario, e utilizando os deportistas sempre o mesmo sitio, xa que os bancos dos vestiarios estarán marcados con distancia interpersoal. De non ser posible habería que utilizar os vestiarios por quendas, tanto en adestramentos coma en partidos.
- Os pasillos dos vestiarios únicamente se poderá acceder a dependencias desas zonas (cadro eléctrico, almacéns, ...) por motivos necesarios.
- É obrigatorio evitar ó máximo posible o cruzamento de persoas nos pasillos de vestiarios ante a imposibilidade de ter dúas portas.
- Na celebración de partidos, cando se utilicen os vestiarios, farase a súa limpeza e desinfección antes do partido, antes da segunda quenda para cambiarse os xogadores, no descanso e o rematar o encontro.
- No descanso dos partidos non se poderán utilizar os vestiarios.
- Os xogadores suplentes e o corpo técnico dos equipos, deberán de situarse no banquiño ou no lugar habilitado para eles na grada detrás dos banquiños e mantendo separación interpersoal.
- Unha vez finalizado o encontro, o tempo de permanencia de cada deportista no vestiario será de 10 minutos, empezando ca primeira quenda e accedendo un deportista cada vez que outro xa finalizara.

## 6.- OUTRAS DISPOSICIÓNS.

- O servizo da cafetería non estará operativo por motivos sanitarios, excepto autorización específica para á actividade.
- Para a celebración de partidos ou eventos deportivos oficiais, nunca se permitirá que se xogue máis de un o mesmo tempo. Ata que o complexo deportivo quede desaloxado, non se poderá realizar outra actividade, excepto autorización expresa de AEstradaDeporte.